



爾雅補注卷三

海甯周 春菴公

鄂州云藿者山韭韓詩六月食鬱及藿謂此物也毛詩作  
藁以鬱爲棣屬藁藁藁鬱實大如李五月時熟藁藁亦是  
鬱類而小別卽藁李是也幽土務農所植皆百穀百蔬有  
益於民者鬱藁等不登于籩不用于摯正爾食之何補飢  
渴似兒戲耳不若鬱菜及藿之可以食賤者也然齊韓毛  
鄭其詩異說故並存著之說文又曰藁山韭也息廉切  
鄂州云物類相感志稱列仙傳昔有仙人隱勤山服沆蘆  
之葉又引孫炎曰帝登藁山遭蘆芋草毒得蒜乃嚙之解  
毒乃收植之是則以勤藁爲兩山之名出此蘆蒜爾勤藁

既爲兩山則藿苓又爲山名下文薜山蘄朮山薊獨不可  
通可知其妄也況沆薺是天地間六氣之名非山中之草  
既謂之曰薺不當復稱沆薺也勤山又當安在乎說文曰  
薺菜山中者名薺

廣韻勤一作茈音佩

鄂州云釋草蒿山蒜說文曰葷菜也生山中者名蒿不注  
其狀今蒜有大蒜小蒜本草蜀本注圖經曰小蒜野生小  
者一名蒿苗葉根子似葫而細數倍然則小蒜卽蒿爾爾

雅則以小蒜爲蒜大蒜爲葫

按爾雅並無蒜卽葫之說疑  
鄂州誤記本草爲爾雅也

承俗稱爾孫炎乃云帝登蒿山遭薺芋草毒將死得蒜乃  
嚙之解毒乃收植之能殺蟲魚之毒則是蒿是山名其上

出蒜耳與郭異說也

樊光云木槿華朝生暮落與草同氣故在草中

宋史田敏傳敏篤於經學好爲穿鑿所校九經頗以獨見自任爾雅木槿注曰日及改爲白及如此之類甚衆世頗非之按白芡卽今簪蘭花根其花淺紅似蘭與木槿迥別不辨自明也日及朝開暮謝蓋有朝不及夕之義

鄭云朮山薊蒼朮也楊枹薊白朮也

鄭云薊櫻櫚也葩未吐時割去須而取之曰櫻魚瀹而食之甚美南方又有虎散桃柳冬葉蒲葵椰子檳榔多羅等與櫻櫚同類

鄭云藟草亦名藜藟

按茱竹之說不一或分茱爲王芻竹爲蕭竹

容齋隨筆宋時專主此說

或以爲淡竹葉或以爲木賊草皆未必是今水旁自有一種細竹叢生而不高大者當卽此歟

鄭云拜商藿疑卽商陸

蘩今俗呼蒿菜蓋蒿之大者菜類可爲蒹葭一名蕭今俗呼青蒿治暑可入藥古人用以祭蓬亦名蓬蒿今俗以爲粉餌蕭許叔重以爲艾亦可備一說與冰臺重出耳

齧彫蓬薦黍蓬疏從郭注三字爲注鄭以齧薦爲句彫蓬黍蓬爲句注云彫蓬米茭也其米謂之彫胡黍蓬野茭也以只可爲薦故曰薦

鼠尾可染阜御覽引之以爲孫炎說

齊民要術引犍爲文學云薺有小故名大薺鄭云極似薺菜但葉差大而莖稍高耳

鄭云虎杖似馬蓼而無毛

鄂州云狼尾草子作黍食之令人不飢

瓠匏今俗呼藥瓶葫蘆以貯物不可食又有一種長頸者亦名葫蘆又名扁蒲乃瓜類可食中亦有子

文選注說文辨瓜中實也白莧切一作辯字音練辨與練字通

鄭云周禮庶氏掌除蠱毒以嘉草攻之陳藏器以蘘荷與

茜

卽茹蘆

爲嘉草

儀禮注韎韐合韋爲之士染以茅蒐因以名焉正義云案

爾雅茹蘆茅蒐孫氏注一名蒨可以染絳然則一草有此三名矣但周公時名蒨草爲韎草以此韎染韋合之爲韜因名韜爲韎韜也

鄂州云說文曰茹蘆人血所生

故蒐从艸从鬼

一名地血能治血

又可染赤

疏引陸璣詩疏云蒨舊說及魏博士濟陰周元明皆云蒨蒨是也韓詩及三蒼說悉云益母故曾子見益母而感蒨鄭箋作雛釋文云音同

農師云或曰鷓鴣綬鳥也故鷓有雜色似綬其字从鷓

鄭云鷓疑卽赤孫施草也按昆蟲草木略酢漿草南人曰孫施去銅鑰垢所謂赤孫施當卽此草之赤色者

禮記正義云隋祕書監王劭勘晉宋古本皆無稷曰明粢  
一句立八疑十二證以無此一句爲是然黍稷爲五穀之  
主是粢盛之貴黍旣別有異號稷何因獨無美名爾雅又  
以粢爲稷此又云稷曰明粢正與爾雅相合按粢乃穀之  
總稱周禮小宗伯六粢是也以稷爲五穀之長故獨得稱  
粢

粢稷郭本舍人說鄭云今謂之稌五穀之長故以爲粢盛

鄭又云稷苗穗似蘆而米可食今人謂之稌粢梁今糯米也

爾雅以粢爲稷誤也按許白雲云黍稷相類但黍黃而稷

黑黍小而稷大黍今俗呼蘆稷亦作稌黍稷今俗呼高粱豈

以亦有梁名楊泉物理論梁者黍稷之總名或粢稌音近故歟

農師云爾雅繁白蒿夏小正謂之由

一作游

胡郭云未詳仙經曰

白蒿白兔食之仙爾雅云繁菟葵

今本作葵

豈謂是歟按楚公

說據仙經誤鄭又以白蒿爲卽茵陳蒿白兔食之仙亦疑誤洪容齋云兔葵燕麥見北史邢劭傳劉禹錫用之葉廷珪海錄碎事曰兔葵苗如龍芮花白莖紫燕麥子似麥亦曰雀麥按卽後所云菴兔麥也

鄭云蕒

東衍寅三音

菟瓜俗呼新羅葛月令謂之王瓜

鄭云蕒茹天名精也今謂之火簽一曰劉曄草異苑云宋元嘉中青州劉曄射中一麋旣剖五藏以此草塞之蹶然而起去之則仆如此者三是以知其治折傷故名疏引蕒茹一名玉門精見本草坊本玉訛作王

厚齋云西京賦戎葵懷羊爾雅曰薊懷羊璞曰未詳  
農師云釋蟲曰蜚羅也釋草又曰莪蘿也蓋蛾所以生蠶  
莪亦所以覆而出之此莪亦謂之羅歟  
鄭云莪似艾而細可食

菑菑郭注以爲可啖鄭以爲卽商陸

熒鄭音迥萎蕤也按一名玉竹入藥

蕭音扁按蕭蓄卽今淡竹葉非必淇澳之筴竹也

歲寒漿今俗呼掛紅燈按鄭云其實如撮口袋中有珠子  
熟則紅關中謂之洛神珠亦云王母珠

煦樊光作駁

農師云今驗近本之瓜常小末則復大故曰其紹飈

芍鳧茈鄭云今亦謂鳧茈根作小塊生水田中可食按今俗呼地栗鄂州云又有一種根苗似鳧茨而白亦生下田中葉有兩歧如剪刀開白花三出名爲茨菰

茈亦作菰

蓊亦作稊

鉤芡郭云大如拇指中空莖頭有臺似薊初生可食鄭云苦芡也今謂雞頭二說互異

蘇鄭云此紫蘇也葉實俱良

本草云蓼類甚多有青蓼香蓼水蓼馬蓼紫蓼赤蓼木蓼七種按今蓼花多生水邊有大紅粉紅兩色未見餘種也鄭云蓼有三種按陶氏曰一種紫蓼一種青蓼一種香蓼

其葉有圓有尖以圓者爲勝入藥用蓼實有一種馬蓼亦可入藥其最大者謂之葑草亦謂之龍葑爾雅曰紅龍古其大者歸

蓼蓼郭未詳鄭云卽苕也音條惕

周禮疏云鄭云秬如黑黍一稊二米者按爾雅云秬黑黍一稊二米此爾雅上文云秬黑黍是一米之秬直可以秬爲名下文云秬一稊二米亦是黑黍特無黑黍之名但二米之秬貴此鬯酒用二米者故鄭云秬如黑黍此據爾雅下文之秬其狀如上文黑黍者若然爾雅云秬一稊二米不言黑黍者爾雅主爲釋詩案生民詩云維秬維秠爾雅云秬黑黍卽是維秬者爾雅云秠一稊二米卽是維秠者

也若然爾雅及詩云秬者卽黑黍之皮以皮而見秬是以鄭志張逸問云鬯人職註云秬如黑黍一稊二米按爾雅秬一稊二米未知二者同異鄭答云秬卽其皮稊亦皮按爾雅重言以曉人更無異稱也鄭云重言者秬既是皮復云稊亦皮是重言也恐人不知秬是皮故重言稊稊秬是一還是秬故更無異稱也

鄂州云釋草秬黑黍秬一稊二米是秬與秬之所以異者在此然則秬必不黑秬不必一稊二米也而鄭氏釋春官鬯人旣云秬如黑黍一稊二米則是以秬之狀雜之于秬郭氏解釋草又云秬亦黑黍則是又以秬之色雜之于秬秬旣欲兼秬之狀秬又欲兼秬之色凡物之所以紊亂不

復可推究者由此故也郭氏又引漢和帝時任城生黑黍或三四實實二米得黍三斛八斗以顯二米者爲黑黍且任城所生漢之異事世所未有詩歌后稷降播乃民事之常如必待任城所生而後降之則沒世不可待矣至唐說者又言今世上黨民間黑黍或值豐歲或往往得二米者但稀闊而得之不以充貢耳以此附成郭氏之說且后稷所降旣謂之種何得以豐歲偶有一二爲說若皆以豐歲言之則禾有同穎麥有兩岐又可待以爲種耶按今百穀之中一稔二米者惟麥爲然捨麥未有二米者說文解秬亦云一稔二米詩云誕降嘉種維秬維秠天賜后稷之嘉穀也而解來字云周所受瑞麥來麤一來二縫秬與來麤

皆后稷所受于天皆一稭二米則是秬者正此來麤爾但  
生民臣工所稱不同來麤又爲釐麤古者來釐丕三字相  
通故方言麤陳楚江淮之間謂之麤北燕朝鮮之間謂之  
貉音不關西謂之貍彼雖說獸亦以一名通三音然則此禾  
亦然來猶麤也秬猶貉也釐猶貍也要是一物鄭志自以  
所解鬯人不合釋草之文故答張逸併以秬稭皆解爲皮  
且云爾雅重言以曉人然則不惟二物相混而秬但得爲  
秬之皮轉失實矣

麤一作釐音同

鄂州云說文稻稭也沛國稱稻曰稭郭解爾雅稭稻乃云  
今沛國稱稭不知說文亦豈謂此稭訛爲稭耶將與郭自

異義也

鄭云粟之糯曰梁

今糯米

黍之糯曰稊

今高粱

按梁亦可曰稊

黍亦可曰粟

菑簣茅鄭云商陸有二種赤者爲簣茅鄭蓋承上文菑菑而言之按說文舜草也楚謂之菑秦謂之簣此又一說

臺鄭云卽雲臺菜

一作芸臺

而兼采陸璣舊說按蔬譜臺菜卽

油菜子可榨油東陽人謂之芸臺

葦亭歷鄭以爲卽甘遂

苻鬼曰按吳志生於工人黃耆家者卽此當時以爲瑞草結子可食見南方草木狀洪容齋以爲草妖是也

薜廋草郭未詳鄭云藤生蔓細弱可爲菜茹兼作牙藥

零陵人祖曰貫之爲樹本不可解疏解之殊鑿至山海經灌且日貫之尤不可解想當時方言也

鄂州云離南活菀今俗謂之通草

鄭云方書謂之木通

女工取以飾

物不知起自何世

龍天龠當爲一草須葑蓰當爲一草詩谷風采葑采菲毛傳曰葑須也箋曰蔓菁之類孫炎曰須一名葑蓰御覽以須葑蓰爲蕪菁從孫說農師以爲臺菜又以爲卽萊菔誤按蔓菁今諸葛菜與萊菔別若臺菜則又不同耳

按諸葛菜大葉青莖紫花所在皆有卽蔓菁也鄭云一名須一名菴一名葑蓰見爾雅春食苗夏食心秋食莖冬食根菜之最益人者非如萊菔之僅能消食解麪毒也臺菜